

全唐文



欽定全唐文卷八百五十二目錄

韓保裔

李勣請狴牢加藥餌奏

殷鵬

請加恩敘封疏


晉故竭誠匡定保义功臣特進檢校太保右金吾

衛上將軍兼御史大夫上柱國長沙郡開國公

食邑一千八百戶食實封一百戶贈太傅羅公

王勣墓誌銘

并序



王繼恭

致執政書

徐台符

條陳貢舉試義奏

孔昭序

請復北省官常朝不拜疏

李慎儀

乞修飾祠宇疏

孔崇弼

文卷八百五十二目錄

請禁乾沒公廨什物奏

石光贊

請修萬石君廟疏

高鴻漸

宗喪葬不哀奏

李詳

諫修德省災疏

條奏節度刺史州衙前職員事疏

彈裴譚文

劉知新

請賜尚書省月糧奏

麻麟

請限年除刺史疏

陳保極

請置資福道場疏

請置資福道場疏

欽定全唐文卷八百五十二

韓保裔

保裔晉、福時人

諫狴牢加藥餌奏

伏請天下狴牢特頒惻憫抱沉疴者宜加藥餌無骨肉者  
勿使饑寒庶裨解網之仁用補泣辜之德

殷鵬

鵬字大舉大名人少舉進士後唐閔帝鎮魏州辟爲從事  
及卽位拜右拾遺歷左補闕考功員外郎充史館修撰遷

刑部郎中晉天福中擢中書舍人卒

請加恩敘封疏

竊聞司封格式内外文武臣僚纔昇朝籍者無父母便與  
追封追贈父母在卽未叙未封以臣所見誠爲不可此則  
輕主者而重死者棄今人而錄古人其榮有何其理安在  
又云父母在品秩及格者卽與封其母不言其父便加邑  
號兼曰大君遂令妻則旁若無夫子則上若無父豈有父  
則賤而母則貴夫則卑而妻則尊若謂其父未合加恩安  
得其母受賜若謂以子便合從貴曷得其父不先伏以父



尊母卑天地之道尊無二上國家同體今母受封父無爵  
名教不順莫大於茲臣伏乞自今後文武臣寮父母在其  
父已有官爵者卽敘進資品以及格式或不任祿仕卽可  
授以致仕或同正官所貴得以敘封妻室卽父母俱榮孝  
子無不逮之感閨門交映聖君覃慶賞之恩噫荷陛下孝  
治之風受陛下榮親之祿者靜而屈指不過數人陛下得  
以特議舉行編爲令式勸天下之爲善令域中之望風自  
然見前代之闕文成我朝之盛典况唐明宗朝長興元年  
德音內一節應在朝中外臣寮父母在並與加恩司封不

行明制堅執前文倘布新恩兼合舊勅庶使事君事父嘗  
遵一體之規爲子爲臣不失兩全之義臣又聞司封令式  
內外臣寮官階及五品已上者卽封妻蔭子固不分於清  
濁但祇言其品秩且諫議大夫給事中中書舍人並是五  
品贊善大夫洗馬中允奉御等亦是五品若論朝廷之委  
任宰相之擬掄出入之階資中外之瞻望則天壤相懸矣  
及其敘封乃爲一貫相沿至此其理甚非而況北省爲陛  
下侍從之臣南宮掌陛下彌綸之務憲臺執陛下紀綱之  
司首冠羣寮總爲三署當職尤重責望非輕此則清列十

年不遂顯榮之願彼則雜班兩任便承封廕之恩事不均  
平理宜改革伏乞自今後應諸司官及五品已上者卽依  
舊判施行應三署清望官及六品已上便與封廕清濁旣  
異秩品宜昇仍下所司議爲恒式

晉故竭誠匡定保乂功臣特進檢校太保右金吾  
衛上將軍兼御史大夫上柱國長沙郡開國公  
食邑一千八百戶食實封一百戶贈太傅羅公

墓誌銘

并序

夫天地肅物松柏猶或後彫郊藪呈芳芝蘭焉能長秀故

老氏有必摧之歎仲尼興不實之悲衆木低而梁棟傾巖  
霜重而祥瑞去物之有矣可得喻焉公諱周敬字尚素其  
先顓頊之裔也封於羅以國爲氏地連長沙因家焉公卽  
長沙之後也曾祖讓皇檢校司空累贈太師封南陽王安  
宋氏封越國太夫人祖諱宏信皇天雄軍節度使檢校太  
師兼中書令長沙王累贈守太師累封趙王諡曰莊肅娶  
趙國夫人呂氏先薨又娶吳國夫人王氏爲時之瑞命世  
而生倜儻不羣英雄自許有唐之末大盜勃興鎮守一方  
廓清千里上則忠於社稷下則施及子孫烈考諱紹威皇

天雄軍節度使守太師兼中書令鄴王贈守尚書令諡曰  
貞莊天地鍾秀山河孕靈下筆則泉湧其文橫戈則雷震  
其武惠惟及物明可照姦曠古已來罕有其比貞莊有子  
四人長廷規天雄軍節度副大使檢校太傅駙馬都尉少  
薨贈侍中次周翰義成軍節度使檢校太傅駙馬都尉亦  
少薨贈侍中次周允前保大軍行軍司馬檢校兵部郎中  
兼御史大夫柱國賜紫金魚袋早歷通班繼爲上介綽有  
器業可奉箕裘公卽貞莊公第三子也性稟淳和生知禮  
樂早失天廕幼奉母儀秦國夫人劉氏卽故兗州節度使

太師公之第三女也肅雍無比柔順有聞示以愛慈加之  
訓導遂令諸子悉著美名時梁乾化初公之次兄方鎮南  
燕公時年九歲秦國夫人歸寧於兗州太師之宅遂命侍  
行至闕下梁闕一主宣召入字對敷明庭進退有度上甚

器重之遂授檢校尚書禮部員外郎仍賜紫金魚袋自此  
恒在宮禁出入扈從乘輿與皇親無間侍立冕旒多備顧  
問無非辯對深洽宸衷上尤奇之其年秋七月歸南燕甲  
戌秋七月公之次兄薨於滑州之公府上聞訃奏乃謂近  
臣曰羅氏大勲之後宜賞延遂命公權知滑州軍州事檢

校禮部尚書冬十月上表乞入覲十一月至京師朝謝畢  
翌日有制授宣義軍節度使檢校尚書右僕射年方十歲  
位冠五侯甘羅佩印之初未爲少達王儉登壇之日已是  
老成十二月至自京師乙亥春三月鄴中構亂河上屯兵  
況處要衝屬茲征伐事無巨細公必躬親道路有頌聲軍  
民無撓政丙子春二月移鎮許田加檢校尚書左僕射是  
歲公年始十二作事可法好謀而成政絕煩苛人臻富壽  
忽下徵黃之詔俄諧會尸之期戊寅初七月朝於京師有  
詔尚主公拜表數四辭不以免遂授檢校司空守殿中監

駙馬都尉壬子冬十月出降普安公主傅粉何郎晨趨月  
殿吹簫秦女夜渡星橋一時之盛事難儔千古之清風盡  
在癸未春三月除光祿卿冬十月唐莊宗收復梁園中興  
唐祚屬當郊祀無失職司遂封開國侯加食邑三百戶至  
明宗纂紹之初除右金吾衛大將軍充街使秋九月轉左  
金吾衛大將軍充街使執金在彤庭之前佩玉向丹墀之  
上仕宦之貴無出於斯上以公久居環衛之班頗著警巡  
之效至戊子二月有制授匡國軍節度使加檢校司徒仍  
賜耀忠匡定保節功臣下車之後布政惟新福星爰照於



左馮煖律又來於沙苑庚寅夏四月上以園丘禮畢慶澤  
溥行就加檢校太保仍降璽書其年冬十一月朝於京師  
除左監門衛上將軍九月轉左領衛上將軍辛卯夏六月  
轉左武衛上將軍癸巳五月除左羽林統軍甲午春加特  
進階封開國公食邑二百戶改賜竭誠匡定保乂功臣丙  
申九一發主以汴師北征命公以所部禁旅巡警夷門  
公英斷不回至仁有勇當危疑之際立鎮靜之功浚郊之  
民於今受賜今皇帝并門鳳舉洛水龍飛力願推崇首來  
入覲上嘉其懿效旌彼殊庸遂除右金吾上將軍美哉出

總藩宣入居嚴衛外則作疲民之藥石內則爲天子之爪  
牙文弋兩班踐揚將遍物禁太盛古之有言壽年未高染  
疾不起以天福二年七月二十七日薨於汴州道德坊之  
私第享年三十有三嗚呼皇天莫問徒云輔德之言大夜  
何長共有殲良之歎上聞所奏惻怛哀慟輟視朝兩日厚  
加賙幣贈太傅君臣之義終始克全公以己丑歲五月梁  
普安公主薨於同州後再娶東海郡徐氏夫人卽故東川  
節度使太師第五女 蕙質蘭姿懿德令範孰念孤鸞之  
歎自傷黃鵠之歌公有姪延闕一見任閑廐副使卽魏博

闕一 大將軍侍中之子也樸玉其儀渾金其器度評闕二字

相貌闕五人闕三公亦三子四女長子延賞守太子舍人

次延緒次延宗皆稟庭訓悉紹家聲龍駒鳳雛得非天性

良金瑞玉自是國楨終天懷風樹之悲踏地有蓼莪之痛

長女適郝氏次適婁氏二女方幼諸子皆普安公主之出

也公主靜惟閑雅動有規儀休聲首冠於皇闕一淑德克

彰於婦道帝王之女無以過焉公性不好弄幼善屬文嚴

毅而至和溫恭而難犯言性合道動不違仁張充一變之

年已功成名遂闕四之日乃善始令終以丁酉歲冬十月

金定全唐文 卷之五十二 七  
六日安葬於洛陽縣之原禮也孤子延賞等泣告鵬曰公  
之履行爲衆所知公之勲庸歷代罕比若非故舊孰能縷  
陳鵬列親表之間受顧念尤最難避狂簡輒勒貞珉序不  
盡言乃爲銘曰

積慶之門挺生奇傑入覲堯庭出持漢節十乘啓行萬夫  
觀政宵旰無憂袴襦入詠英華發外清明在躬惟忠惟孝  
立事立功滑臺去思璧田來暮藹然休光綽有餘裕摛繡  
文翰傅粉容儀承顏紫禁飛步丹墀門盛七葉祿逾萬石  
外冠時英內光帝戚歷事累朝薦逢多難動有成功舉無

遺算秋敗芳蘭地埋良玉山雲晚愁林風夜哭王孫一去  
今不復還陵園草色兮秋黃春綠

王繼恭

繼恭晉天福中威武軍節度福建管内觀察處置等使加  
特進檢校太傅封臨海郡王

致執政書

閩國一從興建久歷年華見北辰之星位頻移致東海之  
風帆多阻願言遐想文不逮誠餘遣郎吏林恩列狀申述

徐台符

台符晉天福中以監察御史爲尚書膳部員外郎知制誥  
條陳貢舉試義奏

貢舉之司條貫之道有沿有革或否或臧蓋趨向之不同  
致施行之有異今欲酌其近例按彼舊規參而用之從其  
可者謹條如右九經元格帖經一百二十帖對墨義汎義  
口義共六十道策五道去年知舉趙上交起請罷帖書汎  
義口義都對墨義一百五十道合今請去汎義口義都對  
墨義六十道其帖書對策依元格五經元格帖書八十帖  
對墨義五十道臣今請對墨義十五道其帖書對策依元

格明法元格帖律令一十帖對律令墨義二十道策試十  
條去年罷帖對墨義六十道策試如舊臣今請並依元格  
學究元格念書對墨義各二十道策五道去年罷念書都  
對墨義五十道今請依去年起請三禮元格對墨義九十  
道去年添四十道臣今請並依元格三傳元格對墨義一  
百一十道去年對四十道臣今請並依元格開元禮三史  
元格各對墨義三百道策五道去年加對五十道臣今請  
並依元格進試雜文詩賦帖經二十帖對墨義五道去  
年依帖經對卷試雜文二卷臣今請依起請別試雜文

欽定全唐文 卷一百五十二 九  
其帖書對義請依元格童子元格念書二十四道起請添  
念書都五十道 一十通者故臣請依起請

### 孔昭序

昭序晉天福中官太子賓客累工部尚書

請復北省官常朝不拜疏

伏見本朝儀制北省官爲近侍之班遂異常參之禮所以  
一寮則曰拜蓋云謝食北省官不赴廊飧食於本署故常  
朝不拜況今耆舊皆目睹躬行伏望陛下順考古道率由  
舊章正立朝之常規遵先王之定制



李慎儀

慎儀晉天福中爲翰林學士考功員外郎轉都官郎中改  
中書舍人

乞修飾祠宇疏

今春已來稍愆雨澤陛下念稼穡之重深宵旰之憂倍軫  
聖心遍走羣望盈尺則告瑞於元朔如膏則潤浹於暮春  
可卜豐穰動諧響應請天下凡祠宇有益於人者下本處  
常令修飾冀集洪休

孔崇弼

崇弼唐宰相緯子仕後唐自吏部郎中授給事中晉天福中遷左散騎常侍

請禁乾沒公解什物奏

天下州縣長吏每到任造<sub>口</sub>公解什物罷任之時多事已有不係案牘此後請公解什物明立文案不許乾沒免致擾人

石光贊

光贊晉天福中官宗正卿

請修萬石君廟疏

昔周武王奄有天下過商容之間必式見比干之墓卽封  
蓋褒賞賢良尊崇忠義伏惟皇帝陛下顯膺天命開創鴻  
圖解網行仁救時順動樂業不知於帝力悅隨但聽於山  
呼盛德難名太平可待臣伏見滎陽道左有萬石君廟本  
前漢大中大夫石奮之廟奮有子四人各二千石祿景帝  
曰人臣尊寵畢集其門故號萬石君德行懿績備列前書  
唐大中十三年鄭州司馬石貫稱裔孫刊石廟廷備紀其  
事伏遇皇帝行幸浚郊經過滎水展義已聞於岐路覃恩  
宜布於幽明其萬石君廟伏乞俯宏需澤特降封崇俾光

遠祖之徽猷益茂我朝之盛典

高鴻漸

鴻漸晉天福中官將作少監

請禁喪葬不哀奏

伏覩近年已來士庶之家死喪之苦當殯葬之日被諸色  
音樂伎藝人等作樂求覓錢物伏乞顯降勅文特行止絕  
或所在官吏等通容不與覺察請行朝典

李詳

詳晉天福中官中書舍人

諫修德省災疏

臣聞天地之道以易簡示人鬼神之情以禍福爲務王者  
祥瑞至而不喜災異見而輒驚罔不寅畏上元思答譴告  
臣聞北京地震日數稍多臣曾覽國書伏見高宗時晉州  
地震上謂羣臣曰朕政教不明使晉州屢有震動耶侍中  
張行成對曰天陽也地陰也陽君象陰臣象君宜動轉臣  
宜安靜今晉州地震彌旬不休將恐女謁使事臣下陰謀  
且晉州陛下本封今地震焉尤彰其應伏願深思遠慮以  
杜未萌又開元中秦州地震尋差官宣慰又降使致祭山

川所損之家委隨事制宜奏聞伏惟陛下中興唐祚起自  
晉陽地數震於帝鄉理合思於天誠臣伏思陛下統臨萬  
國於今六年猛將如雲銳師如雨出無不捷叛無不擒歲  
稔時豐人安物阜實慮天意恐陛下忘創業艱難之時有  
成功矜滿之意欲陛下有始有卒於兢兢業業也今伏望  
聖慈特委親信兼選勲賢且往北京慰安密令巡察問疾  
苦於黎庶俾議蠲除備祭祀於山川各加虔禱然後乞陛  
下鑒前朝得喪之本採歷代聖哲之規近君子而遠小人  
任賢無貳杜邇言而求讜議擇善而從崇不諱之風罷不

急之務則景公修德熒惑退舍以爲祥太戊小心桑穀生朝而不害自然妖不勝德所謂宏之在人寰瀛永定於無疆遐邇長歸於有道

條奏節度刺史州衙前職員事疏

臣聞除舊布新故順天而設教惟名與器不假人以樹恩所以示寓縣之至公所以仰朝廷之大柄今則旣逢英主未革前蹤是敢聊舉一端輕塵四達酌其損益幸補涓埃伏覩南北兩班內庭諸局或有不文不武非舊非勲論技術則罔有所長語才行則罕聞其異但思月限以冒官常

俾五細以在庭使四方而何則有虛華級仍蔭私門忝榮  
更及於子孫祿利徒銷於府庫況今方興戎事久困生民  
因無用之官寮具員無闕計有限之財力帑藏正虛若不  
去畱空成耗蠹伏望畧加澄汰稍辨幽明則支分或減於  
殷憂內外庶成於通濟又覩十年已來肆赦頻降諸道職  
掌一例獎酬藩方不守於規程奏薦罔論其高下僕隸則  
動逾數百絲綸則皆示特恩所以倉場管鑰之微人曹局  
簡札之小吏至於伶倫賤類洒掃庸奴初命便假於貴階  
銀章青綬拜賜遽披於法服牙笏紫袍乃致貴賤不分寵



榮濫被雖雷雨作解渥澤恐遺於萬物而衣裳在笥貞規  
何法於百王此後或有溥恩應諸道職員除主兵將校外  
其衙前職列伏乞明示條章俾循事體節度州只許奏都  
押衙都虞候教練使客將孔目官及有朱記大將十人仍  
取上名支郡則只許薦都押衙都虞候孔目官其諸色人  
並委本道量轉職次則得之者感恩有異受之者與衆稍  
殊寰區仰天子之尊藩后知王澤之貴名器之重治亂是  
資伏惟皇帝陛下俯迴宸覽畧照愚衷勿謂小善不行勿  
謂舊弊難改失之在漸謀之在初倘或因此畱神自可觸

類而長

彈裴譚文

異李朝隱一判破桓敬等五家附會三思狀驗斯在天下  
聞者莫不寒心刑部尚書從此而得

劉知新

知新晉天福中官考功郎中嘗使契丹

請賜尚書省月糧奏

尚書省京師會府輦轂繁司奏議雖委於官寮行遣亦資  
於胥史六典之制官史有俸有糧其尚書省諸司令吏伏

請給賜月糧俾其奉職

麻麟

麟晉天福中官刑部員外郎

請限年除刺史疏

臣聞漢朝除吏苟稱其職不數遷移自先朝開國已來牧  
守多酬勲舊以寵勞臣竊見晉朝除刺史或數月驟替或  
一歲卽移不惟送故迎新轉成煩擾其次廉能者未暇施  
政貪濁者轉急誅求以臣愚管望朝廷立定年限觀其考  
課以議轉遷

陳保極

保極閩人後唐天成中進士累遷禮部倉部員外郎晉天  
福中桑維翰居相位奏貶衛尉寺丞尋復爲倉部員外郎  
卒

請置資福道場疏

元冬告謝密雪未零竊慮今夏龍德啓圖鑿旌赴闕擁十  
萬衆臨九重城警怖龍神震驚方位致瘥札爲沴風雨失  
時請在京諸寺觀置迎年消災資福安土地龍神道場

欽定全唐文卷八百五十三目錄

劉昫

文苑表

請宣功臣傳付史館奏

請令朝臣巡視均田奏

請試新學士權停詩賦并內賜題目奏

請差官紀錄時政疏

議冊四廟狀

嫂喪宜依開元禮議

趙仁錡

請停諸衛官遙授刺史疏

盧燦

慎刑策

賈元珪

請押班宰相宜列班奏

盧詹

請罷論奏復稽課最表

請令夷人觀樂疏

桑簡能

請盛夏速斷冤獄封事

劉渙

請添置樂工奏

曹國珍

請修大晉政統奏

論竇溫顏進策疏

盧賈

祭中岳請遣河南尹行禮奏

石昂

請赦范延少表

備覽出隨莊策刺

前對大晉庭論奏

曹國志

蕭恭置樂江表列莊表

隱處

蕭益夏衣禮服辭桂事

桑簡論



欽定全唐文卷八百五十三

劉昫

昫字耀遠涿州歸義人初爲定州王處直觀察推官後

莊宗朝累遷庫部郎中明宗卽位歷戶部侍郎端明殿學

士長興中拜中書侍郎兼刑部侍郎同中書門下平章事

清泰初加吏部尚書門下侍郎罷知政事守右僕射晉天

福初詔爲東都畱守遷太子太保兼左僕射封譙國公改

太子太傅開運初授司空平章事契丹至以目疾罷守太

保卒年六十

文苑表

臣觀前代秉筆論文者多矣莫不憲章謨誥祖述詩騷遠宗毛鄭之訓論近鄙班揚之述作謂采采芣苢獨高比興之源湛湛江楓長擅詠歌之體殊不知世代有文質風俗有淳醜學識有淺深才性有工拙昔仲尼演三代之易刪諸國之詩非求勝於昔只要取名於今代實以淳樸之時傷質民俗之語不經故飾以文言考之絃誦然後致之不泥遠代作程卽知是古非今未爲通論夫執筆寫形持衡品物非伯樂不能分駑驥之狀非延陵不能別雅鄭之音

若空混吹竽之人卽異聞韶之歎近代唯沈隱侯斟酌二  
南剖陳三變攄雲淵之抑鬱振潘陸之風徽彼律呂和諧  
宮商輯洽不獨子建總建安之霸客兒擅江左之雄爰及  
我朝挺生賢俊文皇帝解戎衣而開學校飾賁帛而禮儒  
生門羅吐鳳之才人擅握蛇之價靡不發言爲論下筆成  
文足以緯俗經邦豈止雕章縛句韶諧金奏詞炳丹青故  
貞觀之風同乎三代高宗天后友重詳延天子賦橫汾之  
詩臣下繼柏梁之奏巍巍濟濟輝燦古今如燕許之潤色  
正言吳陸之鋪揚 馬業元稹劉蕡之對策王維杜甫之雕

蟲並非肄業使然自是天機秀絕若珠璣色澤無假淬磨  
元翠羽毛自成華彩致之文苑實煥緗圖其間爵位崇高  
別爲一  
休孔紹安己下爲文苑三篇覬懷才憔悴之  
徒干  
見知於作者

請宣功臣傳付史館奏

史官奏天成二年九月詔纂修太祖至莊宗實錄及功臣  
列傳四年十一月修懿祖獻祖太祖紀年實錄二十卷莊  
宗實錄三十卷呈進其功臣列傳委元修史官張昭遠與  
史館修撰相次編纂列傳計三十卷今年閏月七日進呈

未下所司臣以立功立事須標於竹帛記言記事靡漏於  
簡編貴資褻貶之文備述艱難之業伏惟陛下大明御宇  
至道臨人定寰區以武功守宗祧以文德輝耀三古超越  
百王莫不萬國來庭千官舉職臣叨居鈞軸已愧庸虛曾  
無筆削之勞謬處監修之任輒茲舉奏冒瀆宸嚴

請令朝臣巡視均田奏

天下州郡於天成二年括定稅率迄今八年近有民於本  
道及詣闕訴田不均乞簡視

請試新學士權停詩賦并內賜題目奏

臣伏見本院舊例學士入院除中書舍人卽不試其餘官  
資皆須先試麻制答蕃書批答各一道詩賦各一首號曰  
五題所試並是當日內了便具進呈從前雖有召試之名  
而無考校之實每值召試新學士日或有援者皆豫出五  
題暗令宿構至時但寫淨本便取職名若無援者卽臨時  
特出五題旋令起草縱饒負藝罕能成功去畱皆繫於梯  
媒得失盡由於偏黨此乃抑挫孤寒之道開張巧僞之門  
積弊相沿澆風未改將裨聖政須立新規況今伏值皇帝  
陛下德合乾坤明懸日月大興淳化盡革澆風矧惟翰墨

之司專掌絲綸之命宜從正直務絕阿私自今後凡有本院召試新學士欲請權停詩賦只試麻制答蕃書并批答共三道仍請內賜題目兼定字數付本院召試然後考其臧否定其取捨貴從務實以示均平庶令孤進者得展勤勞朋比者不能欺罔事關穩便合貢芻蕘

請差官紀錄時政疏

自明宗朝每見宰臣節度使為軍民政事有所敷陳或宸旨宣揚皆關道理唯近臣聞聽外面不知先朝時詔樞密直學士閣至於奏對時記錄逐季下史館以備纂修自今

欽定三唐文 卷之五十三  
年四月後詔李專美記錄今以改官其記錄望別差官

議冊四廟狀

臣等據太常博士段禹議云夫宗廟之制歷代爲難須廣  
按禮經旁求故實通古今之理爲規式合天道人情爲楷  
模伏緣禮有隨時損益各異遂致議論多別禮出衆途今  
總歷代之宏規議新朝之定制謹按尚書舜典曰正月上  
日受終於文祖此是堯之廟也猶未載其數又按郊祀錄  
云夏立五廟殷立六廟周立七廟漢初立祖宗廟郡國共  
計一百六十七所後漢光武中興後別立六廟魏明帝初



立親廟四後重議上依周法立七廟晉武帝受禪初立六廟後卻立七廟宋武帝初立六廟齊朝亦立六廟隋文帝受命初立親廟四至大業元年煬帝欲遵周法議立七廟次便禪命於唐武德元年六月四日始立四廟於長安貞觀九年命有司詳議廟制遂立七廟後至開元十一年後創立九廟又按禮記喪服小記曰王者禘其祖之所自出以其祖配之而立四廟鄭元注云高祖以下至禰四世卽親盡也更立始祖爲不遷之廟共爲五廟也又按禮記祭法及王制孔子家語春秋穀梁傳並云天子七廟諸侯五

廟大夫三廟士二廟此是降殺以兩之義也又按尚書咸  
有一德曰七世之廟可以觀德又按疑義云天子立七廟  
或四廟蓋有其義也如四廟者從禰至高祖已上親盡故  
有四廟之禮又立七廟者緣自古聖王祖有功宗有德更  
立始祖卽於四親廟之外或祖功宗德不拘定數所以有  
五廟六廟或七廟九廟欲後代子孫觀其功德故尚書云  
七世之廟可以觀德矣又按周捨論云自江左以來晉宋  
齊梁相承多立七廟矣今禹等參詳唯立七廟四廟卽並  
通其理伏緣宗廟事大不敢執以一理定之故簡錄七廟

四廟二件之文俱得其宜他所論者並皆勿取請下三省  
集百官詳議勅旨宜依者臣等今月八日於尚書省集百  
官詳議伏以將敷至化以達萬方克致和平必先宗廟是  
以孝爲教本所以宏愛敬而厚人倫禮乃民防蓋欲辨尊  
卑而明法制故禮記王制云天子七廟諸侯五廟大夫三  
廟疏云周制之七廟者太祖及文王武王之祧與親廟四  
太祖后稷也殷六廟契及湯與二昭二穆夏則五廟無太  
祖禹與二昭二穆而已自夏及周少不減五多不過七又  
云天子七廟皆據周也有其人則七無其人則五若諸侯

欽定全唐文 卷之五十三  
廟制雖有其人則不過五此則天子諸侯七五之異名矣  
至於三代已後魏晉宋齊隋及唐初多立六廟或四廟蓋  
於建國之始不盈七廟之數也伏惟皇帝陛下大定寰區  
方興教理既先自家型國固當率土咸賓今欲請立自高  
祖已下四親廟其始祖一廟未敢輕議伏惟聖裁恐於講  
德論功有失靈源茂緒稟自中旨共謂得宜臣等幸列明  
庭獲逢景運顯奉如綸之命共詳立廟之儀雖竭討尋慙  
非該博有愧上塵聖鑒實慮未協宸衷不免迂疎仍虞漏

畧

嫂喪宜依開元禮議

伏以嫂叔服小功五月開元禮會要皆同其令式正文內元無喪服制度只有一本內編在假寧令後不言奉勅編附年月除此一條又檢七八條令式與開元禮相違者所司已行多年固難輕改既當議事須按舊章今若鄙宣父之前經紊周公之往制隳太宗之故事廢開元之禮文而欲取差誤近規行編附新意稱制度且違大典言令式又非正文若便改更恐難經久臣等集議嫂叔服并諸服紀並請依開元禮爲定如要給假卻請下太常依開元禮內

五服制度錄出一本編付令文

趙仁錡

仁錡晉天福中官司天少監

請停諸衛官遙授刺史疏

臣聞自古創業之君開基之主設官分職革故鼎新必有  
強名用爲公器以誘英彥皆不徒然伏見近年酬賞在京  
諸指揮使皆遙授刺史得非朝廷以貴其地望優其祿利  
乎臣以爲大輅起椎輪之始濫觴成方舟之流但恐滋深  
不可改易非創業制命之所宜也今六軍諸衛品秩皆高

不用酬勲是成虛設遂使掌禁軍者鄙昇朝之貴貪外任者無戀闕之心稍涉官邪徒費國用其六軍諸衛官員伏望委宰臣約前唐故事依文班品第加以料錢自此後非有軍功不可輕授名器無假中外迭居豈惟正於等威抑亦省於經費

盧燦

燦晉天福中官洪洞縣主簿

慎刑策

伏以刑獄至重朝廷所難尚書省分職六司天下謂之會

府且諸道決獄若關人命卽刑部不合不知欲請州府凡  
斷大辟罪人訖逐季具有無申報刑部仍具錄案款事節  
竝本判官馬步都虞候司法參軍法直官馬步司判官名  
銜申聞所貴或有案內情曲不圓刑部可行覆勘如此則  
天下遵守法律不敢輕易刑書非惟免有銜冤抑亦勸其  
立政者

賈元珪

元珪晉開運元年官殿中侍御史

請押班宰相宜列班奏



是非既異沿革不同舉之則雖有舊規考之則全無故實  
且夫酌人心而致禮依神道而設教此乃經國之大端也  
況通事舍人居贊導之職押樓御史當糾察之司一則示  
於紀綱一則防於謬誤所以靜觀進退詳視等威實非抗  
禮於庭所謂各司其局俾令不拜雅合其宜伏以宰相押  
班率千官而設拜起居內殿統百辟以致詞儀刑文武之  
班表式鵷鸞之列不得比贊導之職詎可同糾察之司統  
冠羣寮所宜列拜臣位居憲府迹厠同班言或庶其得中  
罪難逃於多上

盧詹

詹字楚良京兆長安人天祐中爲河中從事後唐莊宗卽位累遷中書舍人天成中拜禮部侍郎歷御史中丞兵部侍郎尚書左丞工部尚書晉天福初轉禮部尚書分司洛陽開運初卒贈太子少保

請罷論奏復稽課最表

一同分土五等命官所以字彼黎民司其輿賦至於田租桑稅夏斂秋徵或旨限不愆或簡量增羨殊非異政乃是常程竊見諸州頻奏縣令多以稅輸辦集便作功勞諸道

纔有表章朝廷已行恩命且徵科是縣令之職分不過合  
望於甄酬若一年兩度轉遷則三載六升階級并加寵渥  
慮失規程伏乞止絕薦論但稽課最卽銓司黜陟自有等  
差貴塞倖門以循舊制

請令夷人觀樂疏

歌稱九德彰聖哲於一人國啓四門睦臣賓於萬宇伏惟  
陛下登臨宸極統御寰區普天之來享來王率土之爲臣  
爲子所以西戎獻款北狄輸誠五谿之蠻獠皆臻百越之  
梯航畢至華夷率服聲教遐流竊見外國朝天諸藩到闕

多於便殿引對中外不知既聞來自殊鄉宜使觀於盛事  
此後每有四夷入貢伏乞御於正殿列彼羣臣立天仗於  
廣廷臨宸軒而端拱庶使邊荒異俗向慕華風亦具禮樂  
威儀更顯聲明文物

桑簡能

簡能晉開運二年官殿中丞

請盛夏速斷冤獄封事

伏以天地育萬物廣博厚之恩帝王牧黎元行寬大之令  
知恤刑緩獄乃為政之先布德行惠實愛民之本今盛

夏之月農事方殷是雷風長養之時乃動植蕃廡之際宜  
順時令以宏至仁竊以諸道州府都郡縣應見禁罪人或  
有久在囹圄稍滯區分胥吏舞文枝蔓及衆捶楚之下或  
陷無辜縲紲之中莫能自理苟一人拘繫則數人營財物  
用旣殫功業亦罷若此之類實繁有徒竊恐官吏因循寢  
成斯弊伏乞降詔旨令所在刑獄委長吏親自錄問量罪  
疾速斷遣務絕寃濫勿得淹畱庶免虛禁平人妨奪農力  
冀召和氣以慶明時

劉渙

欽定全唐文 卷之五十三  
五  
渙晉開運三年官太常丞

請添置樂工奏

當工全少樂工或正冬朝會郊廟行禮旋差京府衙門首  
樂官權充雖曾教習未免生疎兼又各業胡部音聲不聞  
太常樂曲伏乞宣下所司量支請給據見闕樂師添召令  
在寺習樂勅太常寺見管西京雅樂節級樂工共四十人  
外受添六十人內三十八人宜抽教坊貼部樂官兼先餘  
二十二入宜令本寺招召充填仍令三司定支春冬衣糧  
月報聞奏其舊管四十人亦量添請

曹國珍

國珍字彥輔幽州固安人少舉進士累遷尚書郎晉祖卽位自吏部郎中拜左諫議大夫給事中少帝嗣立貶陝州行軍司馬卒

請修大晉政統奏

請於內外臣僚之中擇選才畧之士聚唐六典前後會要禮閣新儀大中統類律令格式等精詳纂集別爲一部商議今古俾無漏畧目之爲大晉政統用作成規

論竇温顏進策疏

臣聞去華務實捨短從長片言不遺羣材畢錄切詢古道  
宛是良圖將隆講武之規宜舉訓戎之典故左氏春秋傳  
云禁暴戢兵保大定功安民和衆豐財此所以昭宣七德  
制服萬邦又云春蒐夏苗秋獮冬狩皆於農隙以講武事  
此所謂聿修戰法俾耀軍威又云三時務農一時講武不  
教民戰且棄之所請每月旦教習事伏乞宣駙馬步軍  
都指揮个簡練馴閱甚爲允當望賜施行

夏夏

夏晉開運時人



祭中岳請遣河南尹行禮奏

臣聞國之大事在祀與戎祀則必盡其誠戎則不加無罪  
伏見以時祭嶽瀆皆是本道觀察使親齎御降祝文祀所  
行禮惟中岳頃自故河南尹張全義年德俱高遂請少尹  
或上廳賓席攝祭近歲多差文參府掾習以爲常不惟有  
瀆於神祇兼慮漸隳於祀典臣欲請河南尹卻於華州充  
州定州孟州觀察使例請行獻禮仍令本縣令讀祝文者  
石昂

昂青州臨淄人少爲臨淄令忤監軍楊彥朗罷去晉祖時

欽定全唐文 卷之百五十三  
三  
詔求孝悌之士擢宗正丞遷少卿少帝卽位晉政日壞上  
疏極諫不聽稱疾歸以壽終

請赦范延光表

臣伏見銅臺逆豎漳水叛城始見利而忽起禍心終負釁  
而難歸至化遂使雄師大舉元惡未除雖寵極妖興宜奮  
雷霆之怒而勢窮力屈可哀螻蟻之生況師老費財民勞  
失本赦過宥罪素垂範於典經含垢匿瑕事頗關於仁恕  
伏望陛下施雲天之澤收霜雪之威捨獨夫百死之愆救  
一鎮萬家之命俾范延光令移本任別與小藩於滄邢兩

州自選一鎮庶令省過俾遂自新率彼百萬之資金犒我  
千營之將士庶明陛下不將威脇但以德柔施好生惡殺  
之仁彰捨短從長之道暫行虛刃必致太和所有隨從官  
員一任將行赴任或是本城兵士屬府職寮亦仰依舊主  
持更無移改普覃恩惠不問罪愆臣自請獨駕單車徑入  
逆壘布穹昊不言之信闡陽春不報之恩佇見偃武修文  
再覩唐堯之化放牛歸馬必興姬發之風

再臨專講之於外其論議必興駁發之風

聖德亦實莫不言之官聞而驚不待之思於其動而於文

其更無所為者單思其不問罪過而論其善惡實與對人

真一其辨存使非有是本然矣士氣振而學亦興矣則於生

之於道益發其長之意實亦益及必遠夫所以前而自

不營之然士氣即起下不殊矣細思必於其所以於生

所以變一數然今皆益於益自其學斯可也萬之資全於此

欽定全唐文卷八百五十四目錄

李懌

封彭城郡王錢鏐為越王制

徙封越王錢鏐為吳王勅

封錢鏐為吳越王玉冊

桑維翰

諫賜優伶無度疏

論安重榮請討契丹疏

盧擢

請許朝臣封贈父母疏

許敬遷

請禁斷契丹樣裝服奏

趙熙

請令詔書關送史館疏

請令文武兩班更互奏對疏

趙瑩

請令呂琦尹拙修唐史奏

請修唐史奏五十四目錄

李麟

請朝官舉賢疏

龍敏

條陳臺中事宜疏

請令詔書閣選史館疏

新刺臺中事宜奏三奏對疏

讀燈

請陳官場買紙修唐史表

李繼請修唐史表



欽定全唐文卷八百五十四

李憺

憺京兆人唐末進士入梁累官翰林學士後唐莊宗入立  
貶懷州司馬入爲衛尉少卿天成初復拜中書舍人充翰  
林學士轉戶部侍郎右丞充承旨晉天福中自工部尚書  
轉太常卿歷禮部刑部二尚書分司洛陽開運末卒年七  
十餘漢乾祐元年贈尚書左僕射

封彭城郡王錢鏐爲越王制

制曰惟天作元后所以保茲黎元惟王親諸侯所以建我

藩屏蓋一人不能獨任故列辟布於四海自昔權輿匪今  
作備檢校太師守尚書侍中兼中書令上柱國彭城郡王  
錢鏐浙江孕靈天目鍾秀武足以安民定亂文足以佐理  
經邦屬天步之維艱投筆而起憤皇靈之不振枕戈不忘  
人方效忠天未厭亂漢宏托金刀之讖董昌借越鳥之妖  
爾獨憂僭偽之爭強共行天討雪朝廷之深憤自造此  
屢挫淮氛式遏廣寇俾爾浙郡邑永保金湯之固屬部人  
民永享衽席之樂爾四國有西歸之望予一人無東顧之  
憂也昔平王東遷庸依晉鄭典午南渡允賴并涼卿之封

地朕在不蔽授番君之故事環勾踐之舊疆建爾真王允  
茲東夏於戲節制兩藩車徒萬乘有子奪生死之權驕心  
易滿有人民社稷之奉侈心易生不存忠義之心曷保功  
名之盛書曰惟命不于常又曰常厥德保厥位欽哉欽哉  
勿替朕命可進封越王增食邑一千戶實封一百戶餘如

故

徙封越王錢鏐爲吳王勅

勅曰朕嗣登大寶統理萬方有推誠待人之心少撥亂反  
正之畧京畿叛亂宗廟震驚來周公宅洛之謀定商王遷

殷之業當茲更始式表殊勲檢校太師守尚書侍中兼中  
書令上柱國越王錢鏐一代偉人三朝元老定衰救亂素  
存忠義之心濟世經邦夙擅英雄之志鄉兵一起義聲四  
馳黃鉞初麾江表大定包茅時登乎天府版籍歲貢於有  
司日月塵昏牛女尋常拱北淮河鼎沸浙江日夜朝東用  
徒於越之封大畀勾踐之境爾其糾率侯服翼戴中朝選  
將練兵務農積粟進可參桓文之烈退可守吳越之區寧  
俾古人專美前史於戲夫差適顛沛之際罔替尊周仲謀  
方爭攘之時猶知有漢況爾名德殿此大邦必能宏濟艱

難一匡天下予一人實有賴焉詩不云乎幹不庭方以佐  
戎辟爾尚勉旃可徒吳王加食邑二千戶實封二百戶餘  
如故黃中陳前對向山深宸不爵秦楚王廣博羣平之  
孤麟封錢鏐爲吳越王玉冊文齊大育爲之故論文  
皇帝若曰天之視聽在人有人斯得國國之興廢在德有  
德則易興雖曰歷數有歸亦由人心允協此商所以割夏  
周所以克殷也迺者有唐告終王政日紊婦寺亂常於內  
蠻貊犯順於邊列鎮張膽而相攻大臣悶心而無措惟思  
家族遑恤朝廷朕起自兵戎歷階節度憂皇天之不弔

黎庶之倒懸誓衆興師爲民請命東征西怨共徯我后來  
蘇簞食壺漿咸若厥角墜地竟以數州之力大翦諸國之  
鋒歷試諸艱遂叨九錫稽舜禹之禪法隋唐之勅天步未  
夷人情習亂因商民之思紂嗾桀犬以吠堯職具不供何  
所不至咨爾啓聖光運同德功臣上柱國吳越王錢鏐山  
川毓秀二五儲精以不世出之才行大有爲之志納交伯  
府翼戴中朝清淮甸之邪氛不得紊我王氣斬羅平之妖  
鳥不得鳴我王郊迨乎授禪之初首遣宣諭之使頗知天  
命不效狂謀匪兼二國之封曷獎尊王之義今遣使金紫

光祿大夫尚書上柱國姚洎使副尚書禮部主客員外羅  
袞持節備禮胙土分茅冊爾爲吳越國王於戲車徒萬乘  
何戎狄之不可膺節制三方何強梁之不可伏矧百粵夏  
后駐蹕之地三吳太伯肇封之疆勾踐用之以親周夫差  
以之而駕平賴率三軍而挺荆楚糾列國以平淮戎允  
爲東海屏藩永保中原重鎮毋姑息以敗事毋誇大以墮  
功欽哉欽哉其聽朕命

桑維翰

維翰字國僑洛陽人後唐同光中進士晉祖建號授翰林

學士禮部侍郎知樞密院事改中書侍郎同中書門下平  
章事天福四年出爲相州節度使歲餘徙鎮秦寧七年徙  
鎮晉昌少帝嗣位徵拜侍中守中書令封魏國公尋罷爲  
開封府尹少帝將降契丹諷張彥澤害之

諫賜優伶無度疏

曩者陛下親禦胡寇戰士重傷者賞不過帛數端今優人  
一談一笑稱旨往賜束帛萬錢錦袍銀帶彼戰士見之  
能不缺望士卒解體陛下誰與衛社稷乎

論安重榮請討契丹疏



竊以以未萌之禍亂立不拔之基局上繫聖謀動符天意  
非臣淺陋所可窺量然臣逢世休明致位通顯無功報國  
省已愧心其或事繫安危理干家國苟猶緘默實負君親  
是以區區之心不能自己近者相次得進奏院狀報吐渾  
首領白承福已下舉衆內附鎮州節度使安重榮上表請  
討契丹臣方遙隔朝闕未測端倪思陛下頃在并汾初罹  
屯種師少糧匱援絕計窮勢若綴旒困同懸磬契丹控弦  
玉塞躍馬龍城直度陰山徑絕大漠萬里赴難一戰夷克  
救陛下累卵之危成陛下覆盂之業皇朝受命於此六年

夷夏通歡亭障無事雖卑詞降節屈萬乘之尊而庇國息  
民實數世之利今者安重榮表契丹之罪方恃勇以請行  
白承福畏契丹之彊將假手以報怨恐非遠慮有感聖聰  
方今契丹未可與爭者其有七焉契丹自數年來最爲彊  
盛侵伐鄰國吞滅諸蕃救援河東功成師克山後之名藩  
大郡盡入封疆中華之精甲利兵悉歸虜北卽今土地廣  
而人民衆戎器備而戰馬多此未可與爭者一也契丹自  
克捷之後鋒銳氣雄南軍因敗衄以來心沮膽怯況今秋  
夏雖隄而帑廩無餘黎庶雖安而貧弊益甚戈甲雖備而

鍛礪未精士馬雖多而訓練未至此未可與爭者二也契丹與國家恩義非輕信誓甚篤雖多求取未至侵凌豈可先發釁端自爲戎首縱使因茲大克則後患仍存其或偶失沉機則追悔何及兵者凶器也戰者危事也苟議輕舉安得萬全此未可與爭者三也王者用兵觀釁而動是以漢宣帝得志於匈奴因單于之爭立唐太宗立功於突厥絲頡利之不道方今契丹正抱雄武之量有戰伐之機部族輯睦蕃國畏伏土地無災孽言繁庶蕃漢雜用國無釁隙此未可與爭者四也引弓之民遷徙烏舉行逐水草軍

無饋運居無竈幕住無營柵便苦澁任勞役不畏風霜不顧饑渴皆華人之所不能此六可與爭者五也戎人皆騎士利在坦途中國用徒兵喜走險趙魏之北燕薊之南千里之間地平如砥步騎之便較然可知國家若與契丹相持則必屯軍邊上少則懼夷狄之衆固須堅壁以自全多則患飛輓之勞則必逐寇而速反我歸而彼至我出而彼迴則禁衛之驍雄疲於奔命鎮定之封境畧無遺民此未可與爭者六也議者以陛下於契丹有所供億謂之耗蠹有所卑遜謂之屈辱微臣所見則曰不然且以漢祖英

雄猶輸貨於冒頓神堯武畧尚稱臣於可汗此謂達於權  
變善於屈伸所損者微所利者大必若因茲交構遂成釁  
隙自此則歲歲徵發日日轉輸困天下之生靈空國家之  
府藏此爲耗蠹不亦甚乎兵戈旣起將帥擅權武吏功臣  
過求姑息邊藩遠郡得以驕矜外剛內柔上凌下僭此爲  
屈辱又非多乎此未可與爭者七也願陛下思社稷之大  
計采將相之善謀勿聽樊噲之空言宜納婁敬之逆耳然  
後訓撫士卒養育黔黎積穀聚人勸農習戰以俟國有九  
年之積兵有十倍之彊主無內憂民有餘力便可以觀彼

之變待彼之衰用已之長攻彼之短舉無不克動必成功  
計之上者也惟陛下熟思之臣又以鄴都襟帶山河表裏  
形勝原田沃衍戶賦殷繁乃河朔之名藩實國家之巨屏  
卽今主帥赴闕軍府無人臣竊思慢藏誨盜之言恐非勇  
夫重閉之意願迴深慮免啓姦謀欲希陛下暫整和鑾畧  
謀巡幸雖櫛風沐雨上勞於聖躬而杜禍防微實資於睿  
畧省方展義今也其時臣受主恩深憂國情切智小謀大  
理淺辭繁俯伏惟懼於僭踰裨補或希於萬一謹冒死以

聞

盧擢

擢漢天福十二年官右拾遺

請許朝臣封贈父母疏

臣聞詩云哀哀父母生我劬勞又仲由云樹欲靜而風不止子欲孝而親不待皆以昊天所覆永報爲難今陛下信及昆蟲孝理天下漏泉之澤倘尚拘於常制過隙之限誠何慰於孝思今請應在朝内外文武臣寮亡父亡母並請特與追封旣存沒以知榮則寰區而荷德

許敬遷

敬遷漢天福十二年官左衛將軍

請禁斷契丹樣裝服奏

臣伏見天下鞍轡器械並取契丹樣裝飾以爲美好安有中國之人反效戎虜之俗請下明詔毀棄須依漢境舊儀

趙熙

熙字績巨唐宰相齊國公光逢從子起家授祕書省校書郎後唐天成中累遷南省正郎晉天福中授祕書少監遷右諫議大夫十二年漢祖入太原爲晉州亂軍所殺

請令詔書關送史館疏



伏以皇帝陛下應天御宇纘聖承乾咸從睿哲之功克致  
文明之運始自乾坤蕩定京輦廓清箴規委諫諍之臣輔  
弼任賢良之士莫不盡編竹帛已播遐陬其有聖德憂勤  
睿謀沉密至理每叶於神化格言皆契於天時或拱極侍  
衛之臣或秉政樞機之地或陛下有籌畫之妙或大臣得  
應對之儀外班旣不聞知直史憑何紀錄實慮歲月深久  
永作遺文自此凡是內中公事及詔書奏對應不到中書  
者伏乞委內臣一人旋具抄錄月終關送史館庶使簡編  
畢備言動無遺垂萬古之美談顯一時之盛事

請令文武兩班更互奏對疏

伏自陛下乘乾之後纘聖已來從諫如流求賢不倦遂令五日之內一度敷敷百辟之間咸陳管見伏覩武班朝士皆大國賢臣或繼委藩任或盡知民瘼或久諳師旅或深知兵機或將相子孫或貔貅列士或銜命每推於專對或臨戎嘗立於殊功蘊器業而不敢自陳有籌畫而無繇上奏方今烝黎尚困兵革未銷儻一言仰合於天心一事有資於軍志可裨睿算便致小康抱材能者無愧於朝廷懷義勇者何慙於休運伏望令兩班更互奏對

趙瑩

瑩字元輝華州華陰人梁龍德中舉進士爲康延之  
後唐明宗時晉祖爲保義節度使以瑩爲節度判官及卽  
位累遷門下侍郎同中書門下平章事兼吏部尚書少帝  
嗣位拜守中書令明年檢校太尉出爲晉昌節度使移鎮  
華州入爲開封尹開運末復知政事契丹滅晉從少帝北  
遷卒於幽州

請令呂琦尹拙修唐史奏

所修唐史首尾二十一朝絲歷三百餘載其於筆削斯實

難辦必藉羣才司分事任張昭等五人奉勅同撰內起居  
郎賈緯丁憂去官竊以刑部侍郎呂琦侍御史尹拙皆富  
典墳嘗親簡牘勸善懲惡雅符班馬之規廣記備言必稱  
董南之職上祈聖鑒俾共編修

論修唐史奏

伏以唐室君臨歷年長遠至若王言帝載國史朝經  
之時充溢臺閣自季朝喪亂迨五十年四海沸騰兩都淪  
覆竹簡漆書之部帙多已散亡石渠金馬之文章遂成殘  
缺今之書心百無二三臣等爰奉綸言俾令撰述褒貶或

從於新意纂修須按於舊書既闕簡編先憂漏落臣今據  
史館所闕唐書實錄請下勅購求昔咸通中宰臣韋保衡  
與蔣伸皇甫煥撰武宗宣宗兩朝實錄皆遇國朝多事或  
值皇輿播越雖聞撰述未見流傳其韋衡裴贄合有子孫  
見居職任或門生故吏曾託纂修或祕藏於士族之家或  
韜隱於鉅儒之室聖代方編於舊史耆年有事於故朝聞  
此誤論諒多快愜況行恩獎以重購求請下三京諸道及  
中外臣寮凡有將此數朝實錄詣闕進納請量其文武才  
能不拘資地與除一官如卷帙不足據數進納亦請不次

金定全... 卷之... 三  
獎酬以勸來者自會昌至天復垂六十年其初李德裕平  
上黨著武宗伐叛之書其後康承訓定徐方有武寧本末  
之傳如此色類記述頗多復有世積典墳家  
或收

纂當時除目藏在私居或採摭近代制書以爲文集未逢  
昌運無以發明今屬搜揚誠爲際會旣伸志業佇見旌讐  
請下中外臣寮及明儒宿學有於此六十年內撰述得傳  
記及中書銀臺事史館日厯制詔冊書等不限年月多少  
並許詣闕進納如年月稍多記錄詳備請特行簡拔不限  
資序臣與張昭等共議所撰唐史祇敘本紀列傳十志本

紀以綱帝業列傳以述功臣十志以書刑政本紀以綱帝  
業者本紀之法始於春秋以事繫日以日繫月以月繫時  
以時繫年刑政無遺綱條必舉須憑長厯以編甲子請下  
司天臺自唐高祖武德元年戊寅至天祐元年爲甲子轉  
年長厯一道以憑編述諸帝本紀列傳以述功臣者古者  
衣冠之家書於國籍中正清議以定品流故有家傳族譜  
族圖江左百家軒裳繼軌山東四姓簪組盈朝隋唐已來  
勲書王府故士族子弟多自紀世功備載簡編以光祖考  
今宸恩渙洽屬意謨論卿士大夫咸多世族聞茲汗簡孰

不慰心請下文武兩班及藩侯郡牧各敘累代官婚名諱  
行業功勳狀一本如有家譜家牒亦仰送官以憑纂敘列  
傳十志以書刑政者五禮之書代有沿革至開元刊定方  
始備儀自寶應以來典章漸缺其祇見郊廟冊拜公王攝  
事相禮之文車輅服章之數勢移權倖禮或僭差故軍容  
釋奠於儒宮舉朝議謂巷伯扈鑿而法服博士抗論年代  
既深禮文斯忒請下太常禮院自天寶已後至明宗朝已  
來五禮儀注朝廷行事或異舊章並據增損節文一一備  
錄以憑撰述禮志四懸之樂不異前文八佾之容或殊往



代隋唐已來樂兼夷夏乃有文舞武舞之制坐部立部之  
大寶之初雲韶大備寶應之後音律漸衰郊廟殿廷舊  
章斯缺自咸秦蕩覆鐘石淪亡龍紀返正之年有司特鑄  
懸樂旋宮之義空有其文請下太常寺其四懸二舞增損  
始自何朝及諸廟樂章舞名開元十部用廢本末一一按  
錄以憑謨述樂志刑名之制代有重輕隋唐以來疏爲律  
令然累朝雖有制勅相次增益舊條以此格律之文未能  
畫一後勅不編於實錄諸制多在於法書請下大理寺自  
著律令已來後勅入格條者及會昌已來所經疑獄一一

關報以憑撰述刑法志律歷五行天文災異中書實錄前  
代具書自唐季亂離簡編淪落太史所奏並不載於冊書  
謫見之文時或存於星歷請下司天臺自會昌己來天文  
變異五行休咎歷法改更據朝代年月一一條錄以憑撰  
述天文律歷五行等志唐初定官品令三公三師爲第一  
品尚書令僕射爲第二品兩省御史臺寺監長官六尚書  
爲第三品自定令己後官品錯舛比諸令文前後同異又  
有兼攝檢校之例資授冊拜之文軍容或盛於朝儀使務  
漸侵於省局以此官無定令位以賞功臺府之權隨時輕

重求諸官志前代無聞請下御史臺自定令已後文武兩  
班品秩或升或降及府名使額寺署廢置官名更改一一  
具析以憑撰述職官志畫野離疆實均九貢帶河礪嶽爰  
命諸侯唐初守邊則有都督總管之號開元命將卽有節  
度按察之名故刺史多帶於使銜郡閣更兼於軍額其後  
四安之地因亂多設於戎夷九牧之中乘寵遂邀於旄鉞  
故山河易制名類實繁請下兵部職方自開元已來山河  
地理使名軍額州縣廢置一一條列以憑撰述郡國志漢  
述藝文隋編經籍蓋以總括典墳之部牢籠流畧之書唐

初以迄開元圖書大備歷朝纂述卷軸彌繁若不統而論之何彰文雅之盛請下祕書省自唐初已來古今典籍經史子集元撰人姓氏四部大數報館以憑撰述經籍志臣名叨輔弼學愧裁成獲奉制書俾專信史伏以有唐纘歷累葉承平文德武功已紛綸於圖牒記言載筆尚闕漏於簡書皇帝陛下永念淪胥深思揖讓周武謁成湯之廟不忘故朝漢皇封王赧之孫蓋悲亡國今則已覃優渥爰勤纂修凡在臣僚孰不知感所懼史才短淺識局荒唐實慮庸虛有孤宸委所陳條例如可施行請下所司庶幾集事

李鱗

鱗唐宗室子舉進士不第常山趙王鎔辟爲從事後唐同  
光初授宗正卿兼工部侍郎出爲河中節度副使明宗卽  
位召入爲太子賓客歷兵部戶部侍郎工部戶部尚書轉  
兵部尚書晉天福中守太子少保開運中遷太子太保漢  
祖卽位授守司徒卒年八十八贈太傅

請朝官舉賢疏

朝班自四品已上官各許薦令錄兩人五品六品官許薦  
簿尉兩人使廉慎能名者同受爵賞貪婪害物者並坐刑

書各舉所知不蔽賢路

龍敏

敏字欲訥幽州永清人少仕州攝參軍後唐同光中累遷  
兵部侍郎授北京副畱守召爲吏部侍郎入晉以本官判  
戶部遷尚書左丞開運中改工部尚書漢乾祐元年卒年  
六十三贈右僕射

條陳臺中事宜疏

伏以臺司除御史中丞隨行印及左右巡事監察使并出  
使印等外其御史臺印一面先准令式卽是主簿監臨近

年已不緣無主簿遂至內彈御史權時主持嘗隨本官出入不定伏緣臺中公事不同諸司動繫重難常憂遲滯當身申堂之際及牒州牒府之時事無輕重並使此印今准令式逐日有御史一員臺直承受制勅公文其御史臺印今欲勒畱臺中不令在外選臺令史一人帖司一人同知此印凡有諸色文按印發之時指揮諸司各置印歷一道具其事節件數書在歷中卽於直官面前點簡印發其印至夜封閉候交直轉付下次直官共議執行保無差謬者伏以御史臺事總朝綱職司天憲所管人吏色役最多上

至朝堂次及班列或在京勾簡公事或外地催勘稽違監  
守狴牢行遣按牘或隨從出使或祠祭監臨凡有係於臺  
司皆須藉其人吏俾無闕事以贊國容近年以來人數極  
少及月限者授官出外爲官滿者追呼未來人吏既到不  
勉公事便至停滯切以往歲臺中亦闕人吏曾於諸州抽  
取今欲於諸州使院內量事差取十人據臺中諸司闕人  
臨時量才填補者一具臺中令史今欲條流凡出官考滿  
卻來歸司者便具到日申堂請以到日繫其選限如有經  
年不到追領不來卽具申堂便乞除落名姓